





# Daifim

An Official Organ of YMA, Khuangpuilam Branch.

**YMA MOTTO**  


*Hunawl hman that  
Zofate hmasawna ngaihtuah  
Kristian nundan tha ngaihsan*

**Khawchin : Source - Accuweather.com**



*Khua a that rin a ni.  
Temp - Max: 23°C Min: 10°C  
Dar 6:01-ah ni a chhuak ang a,  
Tlai Dar 4:40-ah a tla leh ang.*

**Tunkar chang vawn : Jos. 1:9.**  
*“Huai takin tang rawh ka tih che kha  
hre reng rawh, hlau suh la, zâm hek  
suh; kei, Lalpa hian i kalna apiangah  
ka awmpui zêl che a ni,’ a ti a.”*

**TUALCHHUNG CHANCHIN**

☛ Pu Joshua Lalremsanga, OB, Chawngbawla section, te chuan fapa thar duhawm tak a nei a. A hming atan Jaden Lalremkima an phuah a ni.

☛ Pi Rokungi, Chawngbawla section chu hun engemaw chen damdawi ina a awm hnuin a rawn chhuak leh tawh a ni. Pathian tihdamna chang zel turin duhsakna kan hlan e.

☛ Vanapa section chuan section budget an chhunglut a. Ti hian kum 2020 Khuangpuilam Branch YMA hnuiaia section-ten budget an tlak kim thei vek a ni.

**VLLTF-te thilpek pe**  
VLLTF-te’n heng mite hnen a tang hian duty tanpui nan sum dawng:

1. Home dept ?1400
2. Pu Lallianmawia, E.E PHE  
- ₹ 2,000/-
3. Pu Robert Vanlalhrauaia, VCP  
- ₹ 500/-
4. Pi Ruati (Police complex)  
- ₹ 1,000/-  
A vaiin - ₹ 4,900/-

**VLLTF-te thilpek pe**  
Pi Remsiami chuan a pasal Pu Lalrinfela (L) hriatreng nan Khuangpuilam Branch YMA hnenah a tul anga an hman atan ₹ 2,000/- a hlan a ni. Branch YMA chuan thilpek petute chungah lawmthu a sawi tak meuh a ni.

**Kan then tak**  
✝ Pu Lalrinfela (Kum 48), Khuangchera section, chuan ni 21 December, 2020 tlai dar 5:00 khan chatuan ram min pansan a. A tuk chawhma dar 10:00-ah vui a ni.  
A kalsan tak a chhung leh khat, a laina zawng zawngte’n Pathian thlamuanna leh awmpuina an dawn kan duhsak tak zet a ni.

## 2021 Branch O.B thukhawm Chanvo insiamremna an nei

**Khuangpuilam the 27th December, 2020 :** Khuangpuilam Branch YMA 2021 O.B thlanchhuah tharte’n Pawl tlâk thla tahrik ni 23, 2020 (Ningani) zan khan rorel thutkhawm neiin, an vaiin an kal kim thei a. Pu HD Daniela, President-i’n thutkhawm a kaihrui a, Pathian hnena tangngaina a neih zawhin rorel tan nghal a ni.

**Thurel 1-na : O.B. post siamrem chungchang.**  
Branch Executive Committee wawi 7-na thurel 1-na in a lo rel tawh angin kum 2020 hruiatuten kum 2021 chung atan Khuangpuilam Br YMA hrui hna hi lo keng tlang mai se, a tul an tih chuan post pawh lo insiamrem mai se an tih chu uluk takin ngaihtuahho a nih hnuah post ngai ang hian kal tlang mai ni se tiin rel a ni a, charge inhlam hun pawh hman nghal a ni.  
Kum 2021 chung a tana Khuangpuilam Branch YMA hruiatu turte -  
President - Pu HD Daniela  
Vice President - Pu S. Lalthangliana  
Secretary - Pu Lalremsiama Varte  
Assistant Secretary - NI. Florence Zoremsangi  
Treasurer - Pu David Lalrosanga  
Finance Secretary - Pu Rotlingpuia

**Thurel 2-na : Committee member ruatna.**  
Kum 2021 chung a tana Khuangpuilam Branch YMA Executive Committee member, Adviser leh Val Upa thar tur ruatna neih nghal a ni a, remchang hmasa berah appoinment letter pek chhuah a ni ang.

**Thurel 3-na : Branch Executive Committee neih hun tur.**  
Kum 2021 Branch Executive Committee hmasa ber, Kumthar Set-up, chu Pawl kût thla tahrik ni 2, 2021 (Inrinini) chawhma dar 11:00-ah BNRGSK Hall-ah neih tum a ni a, tlaiah chawhlui kilho nghal tur a ni ang.  
Val Upa - 1. Pu Laldenga  
2. Pu VL Chhara  
Advisor - 1. Pu Chawngsailova  
2. Pu Laltanpuia Rengsi  
3. Village Council President

Committe Member :

1. Pu Vanlalrova	2. Pu F. Lalbiakliana	3. Pu H. Lalroliana
4. Pu Malsawmtluanga	5. Pu Ricky MS Dawngzela	6. Pu Remlala
7. Pu PC Ramluathanga	8. Pu Lalchuaailova	9. Pu Samuel Vanlalremruata
10. Pu HD Vanlalhriata	11. Pu C. Vanlalruatkima	12. Pu Lalramzauva
13. Pu F. Lalbiaksanga	14. Pu Lalsiamkima	15. Tv. R. Lalnuntluanga
16. Tv. Lalremruata	17. Tv. Lalthansanga	18. NI. Lalrinchhani
19. NI. Thuthlungkimi	20. NI. Vivian Lalrinpuui	21. NI. Ramthianghlimi

**Thurel 4-na : Bungraw dahna in tihfai hnatlang.**  
Pawl tlâk thla tahrik ni 29, 2020 (Thawhleghi) chawhma dar 10:00 khian Branch OB-te leh Section OB-te’n YMA Bungraw dahna in leh a chehvel tihfai leh chhuar siam hnatlang neih tum a ni.

**Mipuite hnena ngenna**  
Kum 2020 Krismas kan hman mek lai leh kumthar kan hmuah mek laiin mi tupawh sawrkar thu zawm theuh turin Information and Public Relations Department chuan mitinte a ngen.  
Hal puah leh puak thei dangte, sky lantern leh naupang silai lem, a mu kap chhuak thei te sawrkar chuan hal leh hman a khap tlat a. Hengte hi keimahni mipuite himna tur a nih bakah Covid 19 hri len mek laia boruak chhia thehdarhtu a nih theih avangte, khap a nih hrim hrim avang pawhin sawrkar thu hi zawm vek nise tiin I& PR Department chuan zawm theuh turin mipuite a ngen a ni. Hunpui lawma mipui pun khawm leh hlimhlawp thila inhman hian hripui leng mek chu rin phak baka a thehdarh theih avangin insum hram hram turin I&PR Department chuan mipuite a ngen a ni.

<b>Editorial Board :</b> <i>Represent: Pu Rotlingpuia</i> <i>Editor: Pu Ricky MS Dawngzela</i> <i>Jt. Editor : Pu Lalsiamkima</i> <i>Treasurer: Nl. Florence Zoremsangi</i> <i>Cir.Manager : Tv. Samuel Lalpekhlua</i> <i>Contact No: 9862501858 / 9612691291</i> 9612761781 / 7005494983		<b>Branch YMA Office Bearer</b> <table><tr><td><b>President</b> Pu HD Daniala 9863212083</td><td><b>Secretary</b> Pu Lalremsiama Varte 9862327112</td><td><b>Treasurer</b> Pu David Ialrosanga 9436158962</td></tr><tr><td><b>Vice President</b> Pu S. Lalthangliana 89748 30454</td><td><b>Assistant Secretary</b> Nl. Florence Zoremsangi 9612761781</td><td><b>Financial Secretary</b> Pu Rotlingpuia 9862385193</td></tr></table>		<b>President</b> Pu HD Daniala 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David Ialrosanga 9436158962	<b>Vice President</b> Pu S. Lalthangliana 89748 30454	<b>Assistant Secretary</b> Nl. Florence Zoremsangi 9612761781	<b>Financial Secretary</b> Pu Rotlingpuia 9862385193
<b>President</b> Pu HD Daniala 9863212083	<b>Secretary</b> Pu Lalremsiama Varte 9862327112	<b>Treasurer</b> Pu David Ialrosanga 9436158962							
<b>Vice President</b> Pu S. Lalthangliana 89748 30454	<b>Assistant Secretary</b> Nl. Florence Zoremsangi 9612761781	<b>Financial Secretary</b> Pu Rotlingpuia 9862385193							
<b>FLS Station - 9436158962</b> <b>Chawngbawla Section</b> Leader : Pu F. Lalbiaksanga 96121 55162 Secretary : Tv. R. Lalnunluanga 82599 60032 <b>Vanapa Section</b> Leader : Pu Lalchuaailova 87300 99599 Secretary : Tv. Lallawmzuala 87875 41803 <b>Khuangchera Section</b> Leader : Pu Lalramzaau 76408 95924 Secretary : Pu Zachungnunga Hrahse 76299 69989		<b>K o h h r a n   H u a n g</b> <b>Presbyterian Church of India :</b> * Tahrik ni 20 December, 2020 khan KTP hruaitu thlanna an nei a. Hruaitu tur mi 6 thlang chhuakin heng thlan chhuahte hian hetiang hian chanvo an insiamrem a ni. Leader : Pu Aldrin Lalrinfela Asst Leader : Pu C. Vanlalruatkima Secretary : Pu Jimmy Lalnunluanga Asst. Secy : Pu B. Ramdinliana Treasurer : Nl. Ramthianghlimi Fin.Secy : Tv. Lalremruata * Krismas khân Biak In aţangin inkhawm kaihhruaina neiin kohhran hruaitute aţangin Pathian thuchah ngaihthlak thin a ni a. Krismas programme chung hian Upa GS Zaithantluanga’n inkhawm kaihruiin ni 24 zanah Upa C.Rokima’n Pathian thuchah a sawi a, ni 25 chawhma-ah Upa R. Thanbanglova, zanah Upa Lalhluana ten an sawi ve a ni. Tin, kumthar programme hetiang hian siam a ni. Chairman:Upa R.L. Lalfakmawia Thuchah: 31/12/2020:Upa Lalthansanga 1/1/2021 Chhun:Upa Lallianthanga Zan:Upa Vanlalmuana * Vawiin chhun dar 11:00 hian kum 2021 Khuangpuilam Kohhran Pavalai Pawl hruaitu tur Biak Inah thlan tur a ni a, member ten ngai pawimawh a, kal theuh turin hruaitute’n an ngen a ni. <b>(Kohhran dang unaute chuan kum thar lamah hruaitu thlanna/ruatna an nei dawn ni a hriat a ni.)</b>							
<b>Editorial.....✍</b> <b>Eng vangin nge?</b> Pathian khawngaihna leh that- na avang liau liauin kum 2020 kan lo hmang zo leh dawn ta reng mai. Kumin chhungin kan nunah thil tam tak, a tha a chhiain a thleng a, kan duh leh duh loh lamin kan tawk veka. Thil tha kan tih rualin thil tha lo tih pawh kan ngah a rinawm. Mahse, a pawimawh ber zawk chu khâng kan nun a thil thleng aţang khan engnge kan zir chhuah a, engtiang chiahin nge kan insiam that dawn tih hi a ni. Kan tihsual avangin hrehawm tawrh pawh kan neih phah mai thei; mahse, kan tihsual aţangin a tha zawk zir chhuakin kum thar chuangkai ila. Kan tih thatah pawh inchhuanga induh tawk mai lovin, Krista avanga kan tih tur ti mai chauh kan ni tih hre reng chung inngaitlawm leh thuhnuairawlh takin nasa leh zualin thil tha tih kan chhunzawm tur a ni. Mi tam takin mual an liam laiin eng vangin nge keini tehlul nungdama kan awm chhan hi chik takin i ngaihtuah teh ang u. Pathianin insiam that nan hun tha min pe a, nasa leh zuala a tana thawk thei turin malsawmna min vur a ni. I hun lo hman tawh dan chu engtiang pawh ni rawh se, i hun hman leh tur hi a ni pawimawh zawk chu. Midang tan harsatna thlentu nge i nih dawn midang tan malsawmna? Mahni hmasial reng rengin i hun tha i hmangral dawn nge i mihringpuite i ngai pawimawh dawn? Kohhran khawtlang sawisel ringawtin nge hun i hman dawn a i thuum chakin a chhe lai siam thatuah i tang dawn?		<b>CYMA hmalakna</b> <b>CENTRAL YMA-in Krismas denchhenin Thilpek hlan</b> Central YMA Executive Commit- tee meeting chuan, a hnuai a Home/Cen- tre leh Hospital-ah te hian Krismas denchhenin thilpek hlan ni se a tih angin thilpek a hlan a ni. 1. Tawngtai Bethel Camping Centre, Sakawrtuichhun - ₹ 25,000/-. 2. Hermon Children’s Home, Durtlang. - ₹ 10,000/-. 3. Civil Hospital, Aizawl - ₹ 10,000/-. 4. Synod Hospital, Durtlang - ₹ 10,000/- 5. Thutak Nunpuitute Team (TNT), Zuangtui - ₹ 20,000/- 6. Cancer Hospital, Zemabawk. - ₹ 10,000/-. 7. Grace Home, Durtlang - ₹ 3,000/-. 8. Bethesda Home, Sihphir - ₹ 3,000/-. 9. Muanna In, Mualpui - ₹ 3,000/-. 10. Nau hnuchham In, Khatla. - ₹ 3,000/-. 11. Peace Home, Durtlang - ₹ 3,000/-. 12. Tuikual Rescue Centre - ₹ 3,000/-. 13. Bethany Children Home, Sairang Sihhmui - ₹ 3,000/-. 14. Mission For Christ, Durtlang - ₹ 5,000/-. 15. Motherless Babies Home, Tuikual. - ₹ 3,000/-. 16. Hmangaihna In, Durtlang. - ₹ 3,000/-. 17. Adventist Hospital, Seventh Day Tlang - ₹ 5,000/-. 18. Sinner’s Friend, Sihphir - ₹ 5,000/-. 19. Kingdom Ministry, Phunchawng. - ₹ 5,000/-. 20. Dika Camp, Electric Veng - ₹ 5,000/-. 21. Blessing Home, Sakawrtuichhun. - ₹ 5,000/-. 22. Gan Sabra, Luangmual - ₹ 3,000/-. 23. AMRO, Chawlhmun - ₹ 3,000/-. Total - ₹ 1,48,000/- sd/- (Prof. LALNUNTLUANGA) General Secretary							
<b>Mikhual chungchang</b> Khuangpuilam huam chungang mikhual nei tur kan awmin, hripui avanga harsatna tawh palha a rang lama hmalak a nih theih nan a hnuai a mi ang hian hruaitute hnenah a rang thei ang berin mikhual kan neih dawn leh an haw dawnah inhriattir tur a ni ang. A. Mikhual Chungchang 1. Hming 2. Phone. No. 3. Address 4. Travel history 5. Thlen ni 6. Chhuah ni B. Mikhual Thlengtu 1. Hming 2. Contact No. Send to @9862327112 KPL VLTF		<b>Health Care Enrolment</b> <b>Health Care Enrolment tiduh tan Pi Biakmawii (ASHA) bulah December thla ral hmain a la tih theih a. Kumthar tirte ah office-ah submit a ngaih tawh avangin ti tur te chuan ngai paw- mawhin a hunlai ngei hian inziak lut hram hram turin min ngen a ni.</b>							

**Thu ziak Huang**

**Khualbûk vengtu**  
- John F Lalhmingliana  
23 December, 2020

*Luka 2:7 - Khualbuka an len ve tak loh avangin ran chaw pekna thlengah a muttir a.*

Chanchinbuah hian Sapram sikul naupang hovin Krismas Drama an chan chungchang ngaihnaawm deuh mai lehlín hi an rawn chhuah a. Khualbuk vengtu lem chang tura an ruat kha naupang thang duh, rilru thansan kan tih ang deuh hi a nih duh hmel. Uluk takin Drama kha an zir ve ngei a, an sawi turte pawh an zirtirtuten an thiam bel tir ve hle a. Nu leh pate ko khawmin kumtawpah Farewell pahin Drama chu an chang a. Josefa leh Mari raipuar teuh khan Khualbuk vengtu chu thlenin an rawn dil a, an zir ang chuan a hnar fel ve mai a.

Mahse, khatia Josefa-te nupa muangchanga hmun dang zawng tura an han kal leh ta kha a tuar zo ta lo va. Khualbuk vengtu chuan, “Mari, Josef, lo kir leh teh u, ka pindanah in riak mai dawn nia,” mittui parawl kuanghian a ti ta a. An zir dan ni lo, Bible-a inziak dan ni bawk lova a thawng chhuah takah chuan a entuho chu an nui deuh dar dar a. Mahse tam takin an sawi chhawn leh naah khatiang anga Thlaraubin a chenchilh Krismas drama kha an la en ngailoh thu leh, an en leh tak loh thu an sawi thin.

Kan Mizo hlahte pawh khualbuk vengtu hi suih lung kan mawl tir ve viau a. Khualbuk vengtu hian Josefate hi a hnar leh hnar loh chu thuhraan ni se, Bible-ah ah hian hmun a chang lo hial zawk a. Bible chuan Khualbuk-a an len ve loh thu a sawi mai a, heng hi Sapho thawnthu kan chhawm a ni mai awm e. Krismas lem ziaakte hian, keini ai mah hian Sapho hian Isua pianna ran inah pawh hian Israelte ran vulh zinga langsar lo bawngte hi an dah langsar zawk a. Mizo chuan ziak ve ila, sial lem kan ziak ngei thung ang chu. Hnam tin tana lo piang a nia, a thelh thui lo ve.

Kan hlaphuahtute thil lo ngaihtuah hi awm ve tak tho chu a ni. Lal Isua, lei leh van lal ber, he khawvela a mite zinga a lo pian ve chhuna thlenin lo hnartu nih kha chu a finthlak loh ve em bawk a ni. Liandova te unau thawnthua Lersia thlenna chang hre lote reng a kan ti mai. Tun thlengin kan la sawi chhawng kan la sawi chhawng a nih hi. Khawvel hnamhranghrang thawnthuah hetiang deuh mi pawimawh hai chanchin hi a awm ve nual mai.

Hman lawka fiamthu pakhat, nuihzatthlak deuh mai chu, Aizawl Power house-ah hian Dumka pakhat duty hi a lo rui deuh a ni awm a. Zana Current awm lo kha an Power lam hotupa khan thil awmzia zawtin a han phone a, Duty-pa rui chuan, “Current a awm loh chuan mu mai rawh,” a lo ti pek a. A tukah chuan an insawn hla ve viau a ni awm e.

Lal Isua he khawvela a lokal dan hi a tlawm em a, Nausen – a nu-in a buaipui ngai, chaw leh tui hrai ngai mai kha a ni ve a, a pianna chhungkua lah hian thi an beh lian lo nasa mai si. Mite hmuha han hriat hranna mai turin lallukhum a rawn keng thla bawksi lo. Chuvangin a hun laia mite khan an hai nasa reng a. Khawvel lalte nena khaikhin ralah chuan a piangin a khawsa ropui lo ve em bawk a. Khualbuk vengtu hian lo haiin, lo hnar pawh ni se awm ve tak chu a ni.

Vawiin ni thleng hian Lal Isua hi kan zingah tlawm takin a la inpuang zel a, chuvangin mi tam tak hian an hai mek a ni. Mitin thinlungah hian thlenna zawngin kawngka a kik mek a ni. Tumah hi tihluihnain a nawr ngai lo. Khawvel hmanhmawh taka tlan zut zut mai leh ri bung bung mai karah hian Lal Isua hi a langsar lo em mai a. Chuvangin mi tam tak chuan ngaih pawimawh enah kan en lo, kan mit a la lo a ni ber. Khualbuk vengtu kha chuan Lal Isua

**Kan duh dan, beisei dan leh dik nia kan hriat te chauh hi hlimna min thlentu an ni lem lo**

**Kumthar thuchah**  
**Faina leh thianghlimna kawngah**  
- Vanhmingliana (Taua)

Hun leh kumte an her liam zel a, a tharin a rawn inher chhuak mek zel bawk a. A ngai rengin Ni a chhuak a; tin, tlai lamah a tla leh a. Danglamna awmlo a ngai hi keini mihringte hian kum leh ni te kan ruat ve avang hian danglam riauin kan lo hre ta mai thin.

Hun thar leh kumtharte kan lo chuankai hian hun hmasaa kan ngaihdan leh awmdan ngai, tha silo ang renga awm lovin; tih dan tha zawk leh ngaihtuahna tha zawka kan hun lo la awm turte keimahni insiamtharna nena kan lo chuan chhoh hian kum thar hi a lo lawmawm zual thin ka tihna zawk a ni. Ram leh khawpuite dinhmun tehna ber pakhat chu - ‘A faina leh thianghlimna’ kawngah a ni. A len leh ropuina, In chhawng san lamte hi a ni hmasa ngai meuh lo. Chuvangin fai leh thianghlim hi a pawimawh hle a ni tih a lang Chiang a, hriselna a ni bawk. Mizote hian khawpui chhung in leh a vel vawnfaina chungchanga kan harhchhuah theih hrih lohna chhan ni a lang pakhat chu - Kan rilruin a pha hrihlo mai ni lovin, ‘Mahni hma kan sial vang’ a ni. Kan in chhung, Compound-te hi a faia a that dawn phawt chuan kan duhtawk thin, chu rilru avang chuan kan in bul luikawrahte kan bawlhhlawh kan chhung a, leivungte kan paih a. Kan rilru chuan kawmthlangte lo tihfai atan kan hnutchhiah ta mai thin. A tawpah pheh chuan kawng laiahte tui chhia a luang hum hum a, sawrkarin a mawh a la leh lo thei thin lo a ni.

Kan thianpa pakhat German tlangval Berti Hipps chu, “Enge Aizawl chu ang i tih?” tiin an zawt a. A ni chuan “A Uih (It’s stinking)” tiin a lo chhang tawp mai a ni. Kan Septic Tank Soak Pit kal dan leh a rimte a thain a fel em? Kan tui Pipe-te hi a kalna turah a kal tha em? Kan bawlhhlawh paihtute hian engtinngan an paih a, khawiah nge an paih thin? Khawlaiah kan thil eina hawng leh a funnate, kan kuhva ei tuite chhâkin, bangah leh banahte chinai kan tat mai thin em? Sawi tur tam hle mah se, vawikhatah chuan kan sawi seng lovang. Heng kan sawi tak maite pawh hi chhungkaw nu leh pate hian kan bengkhawnin kan ngaihtuah hle tur a ni. Mi hmuha lang lo tura thuhruk, kilkhawr taka thil paih chinte hi a tha lo leh zual. Tihfai leh a har thin em avangin.

Kan VC-te hi vengchhung faina leh thianghlimna kawngah an fakawm hle. Hma an la reng a, sawrkar hmangin remchannate an chawchhuak a. Mahse, mipuiin kan thawmawm loh chuan an mahni ringawtin thui tak an kal thei lo, kan ngaihtuahna hmanga thinlung taka kan Support an ngai. Singapore chu a fai leh thianghlimna avangin a hmingthang hle.

Mizoram hi kan ram a ni a, kan ta vek a ni a, i duatin i chei fai ve ang u. Kan ram ti hmingthatu a lo ni thei mial ve mahna!

*(column lehlam a mi zawmna)*

nihna a hre lo. Keini chuan kan hre le lu a, heti chungka kan hnar tho a nih teh chuan kan nasa lo ngawt ang le!

Krismas pawh hi Lal Isua hmingin kan han hmang ve tak na a, miliante intihlar hun, sumdawngte sum chuh hun, nula tlangvalte interek hun, rui mite ruihna hun tha bakah chhungkaw tam tak chuan Family Picnic hunah kan chhuah mek a. A neitupa hi khawlaiah thlenin nei lovin a vak ruk ruk ta ve ang. Khualbuk vengtu aia suihlung mawl hi kan va tam dawn tak!

Lalpan a thu malsawm rawh se.



